

# ХҮНДЭТЭ МОСКВА, ХҮЛЭЭН АБЫН СОВЕТ БУРЯДАЙМ ДУУЕ! ПРИМИ, ДОРОГАЯ МОСКВА, ТЕСНИ СОВЕТСКОЙ БУРЯТИИ!

БУХЫ ОРОНУУДАЙ ПРОЛЕТАРИНАР, НЭГЭДЭГТҮ!

## Бурят ҮНЭН

КПСС-эй Бурядай обкомой, Улан-Удын горкомой,  
Бурядай АССР-эй Верховно Соедэй орган

Цэдэн ГАЛСАНОВ

### МОСКВАДА ЮРӨӨЛ

Байгал далайн  
Бардам гүнзэгэ зүрхэнһөө.  
Бархан уулын  
алтан хабсагайн табсанаа.  
Мүнхэ-Сарьдагай  
мүнгэн сагаан толгойһоо.  
Мүрэн Ангарай  
түмэн галай толонһоо  
Һахал сагаан  
Сибирийн булган тайгаар.  
Һаншаг сагаан  
Енисейн баялг эрьээр.  
Уралай булад  
хуягта хүтэл дээгүүр,  
Ородой халуун  
ахадүү зүрхэн соогуур  
Аялга хайхан  
хүжэм дуугаа асараабди,  
Арадай бэлиг,  
юрөөл түүрээлгэ хабсараабди.—  
Солоо нийслэл  
Москва соогуур ханхинаг лэ,  
Соёл Россин  
хүнгэр дээгүүр зэдэлэг лэ!

«Түүхэ төөрхигүй,  
уг орхихогүй юм»,—гэжэ  
Турынгөө хэшгэй  
амта шэмэдэн тэнжэжэ.  
Үргэн Россин  
эмтэ аршаанда хүртэжэ,  
Өөрын эрхэтэй  
Бурят улас мандаба.  
Коммунис партия  
хурса мэргэн хургаал  
Холын хараа  
хобхо замаар табья,  
Соёл эрдэм,  
урлал найруулга, дуунууд  
Суранзан шэнгээр  
соробхилон татаа.  
Бурят арадай  
ерээдүйн гүн жаргал,  
Бурьялма булагаар,  
Байгал, Братскаар дэлбэрнэ.  
Үбгэд, хүгшэднэй  
ордоной һүүдэртэ суглараал.  
Үхибүүдээ өөгшөөн,  
үлгэр домог хэлсэнэ.  
Ингэжэ ородой  
баруун гарай үршөөлөөр  
Эргэн зомнай  
энхэ жаргалаа оложо,  
Соёлой үндэр  
Сүмбэр уула лабажа,

Согтой зугаатай,  
сэхэ мэргээр алхалнал.  
Дорюун баатар,  
ажалша зориг дүршэлөөр  
Долоон жэлэй  
агуу түсэб мүнхэлнэ,  
Болзорхоон урид,  
шанартай найнаар дүүргэхээр  
Бултанай ээргэдэ  
барандаа зэргээ жэгдэлнэ.

Москва! Шамдаа  
урин наринаар бэлдэнэн,  
Моришо бурядай  
унтаха нойргүй заһаһан  
Эмниг гүйгөөшэ  
эрхим хүлгөө барижа,  
Улаан агаан  
утаһан ногто хийдхүүлжэ,  
Торгон тохон,  
тохой мүнгэн эмээлэнь  
Тооһогүйхэнээр  
арюунда үлээн тохоод,  
Ехэ театрын  
ендэр сценэ дээрэһээ,  
Ерээдүйнөө  
жаргал зүгнэн жагсажа,  
Энгэрээ сэлэн,  
үбдэг дээрээ хэхэржэ,  
Эрдэнийн юрөөл  
эрдэм бэлигһээ эшэлжэ,  
Холын холоһоо  
хонгёо ирагуу мүлрһэн  
Хушан шарахан  
хулһан, зандан лимбээрээ  
Дууша түмэн  
ажалша хүнүүдэй аялгы  
Дууһын нийлүүлэн,  
дуу барижа магтанабди:  
«Уула үндэр Мундартын  
Орой дээрэхи тэбсэгтэ,  
Уһан ехэ голнуудай  
Уулзалдаһан бэлшэртэ  
Найр наадаа хэжэ,  
Наһанай жаргал эдлээ,  
Хурим түрээ хэжэ,  
Зуби заяагаа мүнхэлээ.  
Замай ехэнэ Москва тээшэ,  
Золой ехэнэ Коммунизм тээшэ!  
Ашата Ленинэй зарлигаар,  
Агуу партия ударидалгаар  
Арад зон булдааа  
Амар амгалан болтогой!

36-хи жэлээ гараа

№ 279 (9111)

НОЯБРИН

27

ПЯТНИЦА

1959 он

Сэн 20 мүнгэн

### МҮНӨӨДЭР

Москвада Бурядай  
искусство, литературы  
декада нээгдэхэнэ

#### Бурят ёһоороо үнэн зүрхэнһөө юрөөнэбди:

Түрэл арадайгаа культурын  
хүгжэлтын тугые бүри дэшэнэ  
үргэхээ искусство, литературы-  
мнай түлөөлэгшэд мүнөөдэр Моск-  
вагай театруудай сценэ дээрэ га-  
рахань.

Улан-Удын Ленинэй орден-  
то паровоз-вагонно заводой оло мянган  
хүдэлмэришэд зүрхэ сэдхэлээрээ,  
хүсэл эрмэлзэлээрээ таанадтаа  
сугтаабди. Декадада хабаадагшад,  
бидэһэйгээ этгэл найдабарине  
нэрэтэй түрэтэйгээр харюулыт!

Д. Самбуев,  
заводой слесарь.

Түүхэтэ долоон жэлэй түрүү-  
шын жэлдэ урдында орходоо  
улам ехэ һу наахын түлөө ээсшэ  
сугсаһагүйгээр оролдожо байһан  
бидэ, Бүрдэнэй фермын наалшад,  
артистууд, уран зохёолшод болон  
бусад творческо хүдэлмэрилгэ-  
дэй амжалтаар ходоодо һонирхо-  
догбди.

Бурядай искусство, литературы  
декада үнгэрэхэ тухай мэдээлэе  
республикын бүхэ ажалшадтай  
хамта бидэнэр угаа ехэ баяртай-  
гаар угтаа һамди. Энэ тон харюу-  
салтай, хүндэтэй зорилгоё эр-  
хим найнаар бөөлүүлжэ, парти,  
правительствыгаа үндэр сэнгэл-  
тэдэ хүртэхынэй, таанар—дека-  
дада хабаадагшадые бурят ёһоор  
юрөөнэбди.

Б. Дармаева,  
Кяхтын хониной совхозой  
Бүрдэнэй фермые даагш.

Бурят арадай үндэһэн искусство,  
литература иматгал Совет засагай  
үдэ үзгэдөггүй түргэнөөр хүгжэн  
һалбара. Дэлхэйн, ородой клас-  
сигуудай, советскэ зохёолшодой  
оперо, балет болон драматическа  
зүжэгүүд республикын театрууд-  
дай сценэ дээрэ табигдадаг боло-  
ной. Уран зохёолшод, уран зураа-  
шад, арадай уран мастернууд хү-  
нэй сэдхэл хүдэлгэмэ, удах ту-  
гэлдэр, уран хайхан зохёолнуудые  
бэшнэ.

Арадай дундаһаа урган гараһан  
бэлг талаантай хуууд, басага-  
дайһаа үдэр бүри олошоржо бай-  
һанда бидэнэр ходоодо омогорхо-  
нобди. Декадада хабаадалсаһаа  
Москва мордохон түлөөлэгшэдтөө  
амжалта туйлажа бусахынэ үнэн  
зүрхэнһөө хүсэе.

У. Шантанова,  
Мухаршэбэрэй аймОНО-гой  
инспектор.  
М. Ханхатаева,  
врач.

## Бурят арадай культурын хүгжэлтэ

Мүнөөдэр манай Эхэ ороной нийслэл—  
Москвада бурят искусство, уран зохёолой  
декада нээгдэхэнэ.

Энэ жэлэй июль һарада республикы-  
мнай ажалшад Россин гүрэнтэй һайн ду-  
раара Бурят ороной нэгэдһэнээр 300 жэ-  
лэй ойн һайндэрье баяр баясхалантай ор-  
шон байдалда тэмдэглээ һэн. Тэрэ һайн-  
дэрөөр дашарамдуулан, ажахын болон соёл  
культурын талаар республикын туйлаһан  
амжалтануудые тэмдэглэжэ, СССР-эй Вер-  
ховно Соедэй Президиум Бурядай АССР-  
ые Ленинэй орденээр шагнаа һэн.

Урдын гээгдэнги хизаар байһан Бурят  
ороной ажахын, соёл культурын хүгжэл-  
тэ, тэрэһэлэн бурят искусство, уран зо-  
хёолой декады үнгэрэхэ арга болом-  
ж—булдаа Коммунистическэ партия  
ленинскэ национальнэ политикын аша үр-  
мүн болоно.

Сүлөөтэ, жаргалта байдал олгуулаһан  
түрэл Коммунистическэ партия, совет  
арадуудай буланайн аха—агууһаа орол  
арадаа гүн гүнзэгүүр хүндэлдэг бурят  
ард коммунизм байгуулгада эдэхитэйгээр  
хабаадалсана, долоон жэлэй түсэбье бол-  
зорһоон урид дүүргэхын түдөө бүгдэ  
арадай тэмсэдэ хамаг хаба шадалаа эл-  
сүүлнэ. Республикын промышленность  
долоон жэлэй түрүүшын жэлэй даабари-  
нуудые һара бүри үлүүлэн дүүргэнэ.  
Колхоз, совхозууд гүрэндэ тариа, мяха-  
ундга худалдаха түсөөһө амжалтатайгаар  
дүүргэе.

Республика дотор хургуулинууд, соёл  
гэгээрэлэй болон амжалтын эмхи зургаа-  
нууд олоор баригдажа байна. Мүнөө горо-  
дууд, аймагуудта 610 клуб, Культурын  
байһан, 400 шахуу библиотекэ худалһа,  
арадай театрууд, культурын университе-  
түүд нээгдэнэ. Социалистическэ культуры  
малшад ажагуудалда нэбтэрүүлхэ гу-  
ламта—культбазанууд хүдөө нотагуудар  
олошорно.

Арадай соёл культурын бүхэ дээрээ  
хүгжэхэ улам манай искусство, уран  
зохёол гудам түргэнөөр урагшаа даһнал-  
сана. Манай театруудай, творческо эм-  
хи зургаануудай коллективүүд бурят а-  
радай социалистическэ культуры мүнөөдэр  
харалгада эдэхитэй, эршэмтэйгээр бэлд-  
хэ. Партия, правительствын гаргадаг ха-  
луун анхараалар урмашаһан манай уран  
зохёолшод, композиторнууд, уран зураа-  
шад, артисттар, уран хайханы бүтэ-  
мүүдэ хабаадагшад «Виднүгөө» искуст-  
во, уран зохёолой эгзэн эрхим, эгээл  
нангин дээжые декадада асархана орол-  
доо, түрүүшын декадаһаа хойшһонхи  
соо түхэл маягаараа национальнэ, удхаа-  
раа социалистическэ культурынгаа хүг-  
жэлтые харуулхаа бүгдэ эрмэлзэе.

1940 ондо Москвада болоһон декады  
үдэ «Энхэ Булад баатар» гэжэ оперо,  
«Баяр», «Эржэн» гэжэ хүгжэмтэ зүжэ-  
гуудые харуулжа, манай искусствын хү-  
дэлмэрилгэшэд нийслэл хотын ажалшадтай  
магтаалда, правительствын хайрада хүр-  
тэһэн, театральн Ленинэй орденээр шаг-  
надаһан юм.

Түрүүшын декада бурят арадай кул-  
турын хүгжэлтэдэ асари ехэ алхам боло-  
жо үгөө.

1940 ондо бии байһан нэгэ хүгжэмтэ-  
драмын театрын орондо мүнөө Ленинэй  
орденот Бурядай оперо, балетэй театр,  
орд драмын театр, бурят драмын театр,  
мүн дуу, хатарай ансамбль арадайһаа ис-  
кусствын хүгжэлтые харуулха. Искусст-  
вмнай магнай болоһон оперо, балетэй

А. ХАХАЛОВ,  
КПСС-эй Бурядай  
обкомой секретарь

театр ородой болон хилин саанахи клас-  
сигуудай ехэ ехэ зохёолнуудые сценэ  
дээрээ найруулан табигдаг болоһонхй. Тус  
театр «Иван Сусанин», «Евгений Оне-  
гин», «Игорь тайжа», «Фауст», «Бахчи-  
сарайскэ фонтан», «Хун шубуута нуур»  
гэхэ зыргын оперо, балетүүдые табигат  
юм.

Тус театрын коллективэй дундаһаа  
СССР-эй арадай артист Г. Ц. Цыдынжа-  
нов, РСФСР-эй, Бурядай АССР-эй арадай  
болон габыата артисттар Б. М. Балда-  
ков, Л. Л. Линховин, А. А. Арсланов,  
Н. К. Петрова, К. И. Гомбоева-Языкова,  
В. Д. Лыгденова, Ц. Е. Бадмаев, Л. И.  
Сахьянова, Ю. С. Семенова, А. Б. Токо-  
лова, Ф. С. Иванова, Н. И. Маторин гэгшэд  
урган гараа. Оперо, балетэй театр бэлиг-  
тэй бэрхэ залуушуудые хүмүүжүүлэе.  
Залуу солистууд В. Манкеев, Д. Кын-  
тымова, К. Иванова, В. Бамбаццренев,  
Б. Абашеев, Г. Шудунова болон бусад  
творческо амжалта эхэтэй ажаллана.

Мүнөө оперо, балетэй театр Москвагай  
ажалшадта Д. Аюшеевэй «Анда нүхэд»,  
А. Бородинэй «Игорь тайжа» гэгшэн опе-  
рунуудые, Б. Ямпиллов Л. Киппер хойр-  
ой «Арюн тоохон Ангар дүхэй»,  
Ж. Батыев В. Майзель хойрой «Инаг ду-  
ранай түдөө» гэжэ балетүүдые харуулхань.

Үнгэрһэн жэлнүүдтэ Бурят драмын  
театр, орд драмын театр творческо та-  
лаараа нилээд урагшаа даһшаа. Эдэ театр-  
нуудта искусствын элита ажал-ябуула-  
шад—РСФСР-эй, Бурядай АССР-эй арадай,  
габыата артисттар Н. С. Гендунова, Ч. Г.  
Генинов, М. И. Степанова, Б. Т. Касиков,  
Б. Н. Вапильев, Ю. П. Шангина, П. И.  
Николаев, Д. Д. Дондуков, А. С. Ильин,  
И. Е. Миронов, В. К. Халматов, В. С. Гу-  
сев, П. Р. Гофман гэгшэд аша үр эхэтэй-  
гар хуудамэрилдэг. Бурят драмын театр  
В. И. Ленинэй үнэн сэхэ шаби И. В. Ба-  
бушкинай революционно ажал-ябуулга ту-  
шаа «Барометр шуурга харуулна», «Са-  
суутан», «Будамшуу», «Тайфун», «Хаан-  
һаа болоһон уйдхар» гэгшэн зүжэгүүдые  
харуулха. В. И. Ленинэй үлээлгэдэ Шу-  
шенскэз байһан жэлнүүдтхи ажабайдал,  
ажал-ябуулга харуулаһан «Залита аадар  
дундуур» гэжэ зүжэг табига, орд драмын  
театр эхэхэн творческо амжалта туйлаа.

Искусствын үнийн ажал-ябуулаһа  
М. С. Арсеньевэй хүтэлбэрлэдг дуу, ха-  
тарай ансамблин бэлигтэй коллективэй  
творческо амжалтанууд манай ороной олон  
область, республикануудар мэдээжэ бо-  
лоһонхй. Мүнөөдэр артисттар Ц. Хоёр-  
ков, Т. Гергесова, А. Зонхоев, Ч. Шанно-  
кина, С. Бариева, В. Тумурова, Е. Егоров,  
М. Санжиев, М. Чайвана, К. Шудунова,  
М. Скольчикова, В. Пыбенжапов гэгшэдэй  
нэрэ дурдангүй байхын аргагүй.

Город, тохоннуудта уранхайханы бүтэ-  
гэмүүдэй хүдэлмэрийн бурялан хүгжэжэ  
байһан соёл культурын хүгжэжэ байһанай  
бата баримта боложо үгэнэ. Уранхайханы  
түрүү бүлгэмүүд—Ехэ-Куналейн, Хэжэн-  
гын хоорнууд, сэмбын фабрикын, зоопете-  
ринарна институтай болон интернат-хур-  
гуулин уранхайханы коллективүүд ис-  
кусство, уран зохёолой энэ декадада ха-  
баадалсаһань.

Уран зохёолшод, уран зураашад эдэхин,  
оролдолго эхэтэйгээр декадада бэлэдхээ.  
Һүүдэй хоёр-гурбан жэлэй туршада бурят  
уран зохёолшодой 60 ном Улан-Удэдэ, 26  
ном Москвада хэблэгдээ. Эдэ үдэрнүүдтэ  
нийслэл хотын уншагшад манай уран зо-  
хёолой үндэһэ һуури табигшадтай нэгэн  
Хоца Намсарасвай зохёолнуудһаа гадна,  
Ч. Цыдындамбасвай «Банзарай хүбүүн  
Доржи», «Турал нутагһаа холо», Ж. Ту-  
муновэй «Нойрһоо һэриһэн тала», «Алтан  
бороо», Д. Батожабайн «Төөригдэһэн хуби  
заяан», Б. Мунгоновой «Харьялан урдаа  
Хөлгөннай» гэжэ романуудтай, Д. Ялса-  
раевай, Д. Хилтухитай, Н. Дамдиновай,  
Ц. Бадмаевай, Ц. Жимбиевэй, Д. Мадасо-  
ной, С. Метелицын болон бусадтай шүлэ-  
гүүдэй суглуудбаринуудтай танилсаһань.  
Тус зохёолнууд соогоо уран зохёолшоднай  
түрэл Коммунистическэ партия, арадууд-  
ай агууһаа хани барисаае, совет хүнүүд-  
эй баатарлиг ажал магтан дуулана.

Бурят арадай гайхамшадта үлгэр «Га-  
сэрые» уран зохёолшо Н. Балдан хэблэ-  
дэ бэлэдхэһэн байна. Мүн «Бурядай со-  
ветскэ уран зохёолой очеркнүүд» гэгшэн  
ном гараа. Эдэ бүгдэ манай арадай кул-  
турын хүгжэлтэдэ нилээд даамай нэмэри  
боложо гэжэ тоолмоор.


Бурядай уран зураашадтай 500 шахуу  
алдэб зураг декадын выставкда табигдаа.  
Тэндэ уран зураашад Мэрдыев, Павлов,  
Тимин, Окладников, Шестакова, Балдаев,  
Рудь, Гончар, Бажеев, Сахаровская болон  
бусадтай зурагуудай хажуугаар хүдэлмэри-  
шадэй, колхознигуудай сүлөөтэй сагтаа бүтэ-  
һэн гар урлалдай элдэб зүйл олоор та-  
бигдаһан байха.

Д. Батожабайн сценаряар «Мосфильм»  
студийн табиган «Адуушанай дуун»,  
Н. Дамдиновай сценаряар Свердловско  
студийн табиган «Ургын задаржа байха-  
да», мүн Д. Батожабайн, В. Ежов, Г. Цы-  
дынжанов гурбанай сценаряар «Мосфильм»  
бүтэһэн «Алтан гэр» гэжэ кинокар-  
тинаууд, манай республикын ажабайдал  
харуулаһан хурлангы филмнүүд декадын  
үдэрнүүдтэ Москвагай кинотеатруудта  
харуулагдаха.

Бидэний туйлаһан амжалтанууд совет  
арадай, Коммунистическэ партия эриг-  
тэнүдэ хүсэдөөр харюусажа шадангүй гэжэ  
искусствын, уран зохёолой хүдэлмэри-  
лэгшэд тодоор ойлгоно. Уран зохёолшодой,  
композиторнуудай, уран зураашадтай хү-  
дэлмэридэ дутуу дунда зүйл нилээд олон.  
Өөрынгөө үе сагай түрүү хүнүүдэй баа-  
тарлиг ажал хэрэгүүдые зохёолнууд соогоо  
дуулан магтажа шаддаг болоһон тулада  
тэднэр үшөөл ехэ хүдэлмэри хэхэ уялг-  
тай.

Нийслэл хотын ажалшадтай, элита мэр-  
гэжэлтэдэй заабар, ажаллалта, шүүмжэ-  
лэл булдааа искусствмнай, уран зохёо-  
лоймнай саамалда хүгжэхэ хэрэгтэ аша-  
тай туйлаһан байхын лабайт.

Мүнөөдэр эхилхэ декада бурят арадай  
хүсэд эрмэлзэһе, урма зоригые бадаруул-  
ха байһандань лай найдахаар. Республи-  
кын творческо хүдэлмэрилгэшэд КПСС-эй  
ХХI съездын шийдэһэрилгэдэ, уран зо-  
хёолшодой урда Н. С. Хрущевтай табиган  
хилин хараата заабаринуудые хүтэлбэри  
болгон абажа, удхынгаа, уран найруулгын-  
гаа талаар эрхим зохёолнуудые бүтээһин  
тула эсшэ сугсаһагүйгээр хүдэлмэрилхэ  
байһаниһын найдамтай.







# Коммунист партийнхнээ ленинскэ



РСФСР-эй габыята артист Л. Лиховон «Игорь тайжа» гэжэ оперодо полонецкэ хаанай рольдо.



ЗУРАГ ДЭЭРЭ: уран зураашда Гончар, Чирков гэгшэд Гончарай зураан «Түрүүшын бураадаа» гэжэ зурагай дэргэдэ.



РСФСР-эй габыята артистка Л. Сахьянова хатаржа байна.

## Театрын искусствын хүгжэлтэ

1940 ондо олон миллион ажалшадай магтаалда хүртэһэн «Энхэ Булад баатар», «Баяр», «Эржэн» — гурбуулаа бурят арадай искусствын амжалтатой хүгжэлтэе тодоор харуулһан толи, гэрэл боложо үгэһэниинь арсаагүй. Үнгөрһөн хорёод жэлэй хугасаанда хүн түрэлтэнэй, совет арадай түүхэдэ гайхамшагта ехэ хубиллалтанууд болоо, захигүй замбуулиниие эзэлжэ эхилһэн шанэ үе сагай үүдэн үргэнөөр дэлгидээ. Гэхын дашарамда Совет оронойнгоо тинмэ шуумар алхасаһаа хожомдонгүй, манайшье искусство оодөө тэгүүлээ гэжэ ажаглая.

Дуунһаа оперодо, «Еохорһоо» баледтэ хүрэтэрхи хүшэр, бартаа замые шата шатаарнь гаталан гараабди. А. Даргомыжскийн «Лу-сад хүүхэн», П. Чайковскийн «Евгений Онегин», Бизе гэдэгэй «Кармен», Пуччинин «Чио-Чио-Сан» гэхэ ээргын оперо, баледүүдые бурят театрта табидга болоһон ушар манай дуушадай, хатаршадай, хүгжэмшэдэй, режиссёрнуудай искусствын «эмниг морине хазаарлажа» шадананиие гэршэлжэ үгэнэ гое.

Мүнөө бидэнэр арадайнгаа үльгэр туужаһаа, ажал, байдалһаа үндэһэлһэн, удхынгааһые,

Г. ЦЫДЫНЖАПОВ,  
СССР-эй арадай артист.



уран найруулгынгааһые талаар найн оперо, баледүүдтэй болообди.

1932 ондо нээгдэһэн Бурят драмын театрай ородой агууехэ режиссёр артист К. С. Станиславскийн хургаалые хүдэлмэрингөө гол хараа шугам болгожо, нютагай уран зохёолшодой, ородой, мүн дэлхэй дүүрэн алдаршанан драматургнуудай пьесэнүүдые зүжэглэн табидга болонхой. А. С. Грибоедовай «Ухаанһаа болоһон уйдхар» гэжэ наадахада олнгүй орёо гэжэ тоологдодог шүлэглэмэл комедиие бурят хүбүүд, басагадай сценэ дээрэ харуулдаг болоһон ушар социалистическэ искусствын үргэн дэлсэтэй байнание харуулна гэшэл.

Хэдышье даруугаар, магтангүйгөөр арадайнгаа театрын искусствын хүгжэлтэ тушаа хэлэхэ гэжэ оролдобошье, «унэн юмэн үнөөрөө, үнэгэн малгай үнөөрөө» харагданал даа.

Төөд манай арадай искусствын хүгжэлтэ иматгал Коммунистическэ партийн ленинскэ национальна политикин аша үрэ хадаал нимэ хурданаар, нимэ гайхамшагтайгаар хүгжэдэг байһаниинь бүгдэндэ элти.

## Шанга шалгалта гарахамнай

Н. БАЛДАНО, Бурядай уран зохёолшодой Союзай правленийн түрүүлэгшэ.



зохёолшодой 25 ном, мүн Эрхүүдэ, Новосибирскдэ

хэдэн ном хэблэгдэн гараа. Тингэжэ бүхы дээрээ 100 шахуу ном хэблэгдэһэн байна. Тэдэнэй тоодо хэдэн романи, повестьнууд, бурят поэзийн антологий, шүлэгүүдэй арба гаран суглуудбари, литература шэнжэлэлгын номууд, «Гэсэр» гэжэ арадай ехэ зохёол болон бусад ороло.

Декадын үедэ Москвада, РСФСР-эй уран зохёолшодой союзда бурядай уран зохёолой бүхы жанраар дүрбэн үдэрэй зүбшэн хэлсэлтэ боложо, тэрэндэ 5 роман, 4 повесть, рассказуудай 3 ном, шүлэгүүдэй 9 суглуудбари, бурят поэзийн антологий, 5 пьесэ, үхэ бүүдэй 3 ном, литература шэнжэлэлгээр 4 зохёол, «Вайгалай толгой» журнал табидгахань. Энэ зүбшэн хэлсэлтэ бидэндэ, манай театрын саашанхи хүгжэлтэдэ туйлай ехэ туһа хүргэхэ гэжэ этигэнэбди.

Бурят номой выставкэдэ 1200 шахуу ном табидгаа.

Энэ декада манай театрын туйлалтые харуулхаа гадна, уран зохёолшодой бэлгит шадбарине, хусые шалгахы шалгалта болохо ёһотой.

## Хүгжэлтын замаар

Бурят угалзатай хилэн хүсэгшүүд мүнөө үдэшэ оронойнай нийслэлэй театруудта дэлигдэн, хэр үгһаа уран бэлгит түгэлдэр арадайнай искусство эндэхи ажалшадта харуулагдажа эхилхэнэ.

1940 ондо үнгэргэгдэһэн манай искусствын декадын үдэрнүүд наанаанда ороодхино. Тинхэдэ анха тогтоһоор хүсэд арбан жэл болоодүй байһан театрыннай артистнууд удаараа социалистическэ, түхэл маягаараа национальна культурынгаа ургалта, хүгжэлтые Москвагай-



хидта харуулжа, үндэр дээдэ сэгнэлтэдэ хүртөө бэлэй. Хүгжэмтэ-дра-

мын театр парти, правительствын үндэр дээдэ шанда—Лениний ордендо, олохон артистнууднай хүндэтэ нэрэ зэргэнүүдтэ хүртөө нэн.

...Арбан юһан жэл болоод советскэ Бурят ороной уран балитын нийслэл хотодо дахинаа ерөө. Үнгөрһөн хугасаа соо манай искусствын хэр зэргээр хүгжэһые харагшад сэгнэнэ бээ.

Н. Гендунова,  
РСФСР-эй арадай артистка.

## Харюусалгамнай ехэ

Түрүүшын декадаһаа хойшо республикын культурина ажабайдалда гайхамшагта хубиллалтанууд болоо. Оройдоо нэгэһэн хүгжэмтэ драмын театрын орондо гурбан театр, дуу, хатарай ансамбль ажалшадай эрилтые хангажа байна. Закаменск городто арадай театр нээгдэ. Эдэ хубиллалтанууд нийслэл хотын театруудай сценэ дээрһээ харуулагдажа эхилхэнэ.

Бидэнэр, артистнар, декадые эрхимээр үнгэргэлтэдэ хэды ехэ харюусалгалтай байһанаа эли тодоор мэдринэбди.

Манай ород драмын театрын декадада хабаадалсанаһинь шухала удхашанартай. Театрын коллектив декадые удхыншье, уран найха-



найшье талаар үндэр хэмжээндэ үнгэргэхэ зорилготойгоор эртэн-һээ бэлдэжэ захиалан юм. Ямараар бэлдэжэ ерөөһөннай харагшадай зүбөөр сэгнэхэ байһыень ойлгонобди.

Би хори гаран жэл эндэ хүдэлхэ зуураа, хэ-

дэн арбаад рольнуудта наадаһан байха. Миний дуратай рольнууд гэхэдэ, М. Горькийн «Мещанин» гэжэ зүжэг-һөө Перчихинэй, А. Н. Островскийн «Ой» гэжэ зүжэг-һөө Аркашкын рольнууд болоно. И. Кычаковой «Залинта аадар дундуур» гэгһэн зүжэгтэ тарыашан Сосинатыч үбгэнэй рольдо наадаһан.

Манай ород театрын артистнар аха дүү арадайнгаа искусствын хүгжэлтые Москвада харуулалсахань. Хүндэтэ зорилгоёо нэрэтэй түрэтэйгөөр дүүргэхээр бүхы артистнуудай зоригжонхой.

В. Гусев,  
Бурядай АССР-эй арадай артист.

## 80 гаран роль наадааб

1932 ондо Улан-Удэ городто искусствын техникум дүүргээд байхада, бидэнэй дундаһаа арадай, габыята артистнууд урган гараха юм гэжэ бодогшогүй хэмдэ. Тинхэхээ хойшо аяар 27 жэл үнгэрөө. Бидэнэр бултадаа шахуу буурал толгойтой, зариманнай хүндэтэ нэрэ зэргэтэй, орден, медалтай болообди.

Энэ хугасаа соо түрэл Коммунистическэ партиянгаа саг ургалжын анхалар оролдогын ашаар, манай республикын уран балитэн өөһэдэньгөө творче-



ско ажалда зарим тэдэ амжалта туйлаа.

Театрын анхан тогтоһонһоо хойшо би 80

гаран рольдо наадааб. Мүнөө Бурядай драмын театрын Москвада харуулха бүхы 5 зүжэгтэ хабаадаһан. Д. Батожайн «Барометр шуурга харуулна», Ц. Шагжинай «Будамшуу» гэгһэн зүжэгүүдтэ Рогов, Норини гэгһэй рольнуудые гүйсэхэдхэнб.

Бурядай искусство, театрын декадада хоёрдохёо хабаадаха золтой байһалдаа засаг түрэдөө, арад зондоо баясхалан хүргэнб.

Ч. Генинов,  
РСФСР-эй арадай артист.



БурАССР-эй арадай артист Ц. Хоборков.



Д. Аюшеевэй «Анда нүхэд» гэжэ оперын нэгэ үйлэ.



И. Кычаковой «Залинта аадар дундуур» гэгһэн зүжэгтэ нэгэ үйлэ.



Ц. Шагжинай «Будамшуу» гэжэ зүжэгтэ нэгэ үйлэ.

### Г. БЕЛЫГАЕВ, Оперо, баледэй театрын директор

Манай театр Лениний орденотой. Эхэ оромнай эгээд дээдэ хайрааа үршөөхэдөө бидэниие арадайнгаа искусствын магнайда дабшахые уялгалаа. Харюусалгата уялгала дүүргэхын тулада мэргэжэлтэй дуушадые, хатаршадые, хүгжэмшэдые бэлдэхэ гэгһэн хүндэтэй зорилго урдамнай табидгаа нэн. Москва, Ленинград, Свердловск болон бусад городуудай консерватори, хореографическэ хургуулинуудта бурят хүбүүд, басагадай

олоороо хуралсажа гараһанайн ашаар мүнөө классическэ оперо, баледүүдые табиджа шаддаг болообди. Манай театр хамтадаа 50 гаран оперо, балет сценэ дээрэ найруулан табияд байна. А. Бородинай «Игорь тайжа», Л. Кннипер Б. Ямпиллов хоёрой «Арюун гоохон Ангар дүүхэй», Ж. Батуевай «Инаг дуранай түлөө», Д. Аюшеевэй «Анда нүхэд» гэгһэн оперо, баледүүд бэлэгтэй ерээбди.

### Г. ИОФИН, Ород драмын театрын директор

Москвагай харагшадай анхаралда А. Н. Островскийн «Василиса Мелентьева» гэгһэн зүжэг табигдана. Энэ зүжэгтэ Иван Грозныйн рольдо артист Коршун, Василиса Мелентьева боложо артистка Голубчикова наадаха юм, Красноярск хизаарай Шушенское тосхондо В. И. Лениний сүлэлгэдэ байһан үеһе харуул-

һан драматург И. Кычаковой «Залинта аадар дундуур» гэгһэн зүжэг харуулха гэжэ илангала дэбжэлтэйтэйгээр хүдэлһэн байнабди. Агуухэ Лениний залуу ябаһые зураглаһан зүжэг харуулха гэшэ тон харюусалгатай. Ильичын ролине энэ зүжэгтэ артист М. Глазков гүйсэхэдхэнэ.

### Ц. БАЛБАРОВ, Бурят драмын театрын директор

Манай театрын коллектив Москвада А. С. Грибоедовэй «Ухаанһаа болоһон уйдхар», Даширабдан Батожайн «Барометр шуурга харуулна», хитад драматург Цао Юй гэһын «Тайфун», залуу драматург Батомунко Пурбуевай «Сасуутан», Цырен Шагжинай «Будамшуу» гэгһэн зүжэгүүдые харуулханы. Эдэ зүжэгүүдтэ театрыннай бүхы артистнууд хабаадалсана.

«Будамшуу» гэгһэн комеди республика доторнай 200 гара дахин табигдажа, ажалшадтай үндэр сэгнэлтэдэ хүртэһэн байна. Мүн Татарта, Чувашинда, Тувада, Казахстанда, Монголой Арадай Республикада оло табигданхай. Энээн соо Бурят ороной урдын ажабайдал тон элээр харуулагданхай. Зүжэгтэ РСФСР-эй арадай артистнар Ч. Генинов, Н. Гендунова, РСФСР-эй габыята артист В. Халматов болон бусад хабаададаг.



# НАЦИОНАЛЬНА ПОЛИТИКЫН АШААР



Уран зохёолшо Ч. Цыдендамбаев.



Уран зурааша А. Тимин.



Мүнгтсэ уран дархан Д. Бадмаев.

## Арад зонийнгоо аша тухы харюулхаб

Ургэн уужам Совет оромнай түргэн алхамаар урагшаа дабшажа, нарата коммунизмын үзэгдөөгүй найхан байдал тээшэ зорижо лба-на. Газар нутагаймнайш нүүр шарай, хүн зоной-шыс ханаан сэдхэл үндэһөөрөө хубилжа, танигдашагүй найхан боложо байнхай.

Арад зонийнгоо габьяа баатаршалгыс, мүнөөнэй байдалыс ном соо харуулжа, ерээдүйн үетэндэ дамжуулан хүргэхэ гэшнэ уран зохёолшын нангин уялга мүн. Энэ талаар түрэл Коммунистическэ партиянай уран зохёолшодой үмэнэ нэгэнтэ бэшэ эрилтэ та-



биһан байгаа. Арад зонийнгоо, партиянгаа хүмүүжүүлхы аша тухынь харюулхын тула тэдэнэй алдарт хэрэгтис харуулан ном бэшэхэ гэжэ шийдээ бэлэйб. Дүршэл багатай байгаа-

шыс шаа, уран зохёолшодой Союзай правлений, зохёолшо нүхэдэй туһаламжаар «Харьялан урдаа Хөлгөннай» гэһэн роман бэшэжэ, «Байгалай толон» журналда хэблүүлэс хэм. Мүнөө дутуу дундынь заажа, ном болгохоёо бэлдэжэ байнаб.

Мүнөө Бурядай искусство, литературы декадада хабаадалсаха нимэ ехэ этигэл найда-барид хүртөөд байхалаа саашааа бүхы наһанайнгаа ябалалтыс түрэл бурят литературдаа зориулха гэжэ ханадагби.

Б. Мунгонов,  
уран зохёолшо.

## БУРЯДАЙ КИНОФИЛЬМУУД



Уран зохёолшо Д. Батожабайн бэшэһэн сценаряар «Мосфильм» киностудия режиссер В. Фролов «Адуушанай дуун» гэһэн кинофильм 1957 ондо табижа гарган байна. Байхан хоолойтой юрын алууса хүбүүнэй ошо ошотороо артист болоһон тухай энэ фильм соо хэлэгдэнэ. Гол рольнуудта БурАССР-эй габьяата артист В. Манкетов, Бурядай АССР-эй габьяата ажал-ябуулагша Б. Аюшин болон бусад наадана.



Залуу уран зохёолшо Н. Дамдинов «Мосфильм» киностудийн дэргэдэ нуража байхалаа «Ургын задаржа байхала» гэһэн сценарий бэшэһэн юм. Энэ сценаряар Свердловск киностудийн режиссер Я. Лапшин 1959 ондо кино табиһан юм. Гэжээнтэ, харанхы муухай эхэнэр Дынсмагай ухаан бололой ургалта энэ кинофильмдэ харуулагдана. Республикын ардад артист Б. Вампилов, РСФСР-эй ардад артистка Н. Гендунова, РСФСР-эй габьяата артист В. Халматов, студентка В. Дагбаева болон бусад энэндэ хабаадалсана.



«Мосфильм» киностудии Г. Цыдынжапов, Д. Батожабайн, В. Ежов гэжээдэй сценаряар «Алтан гэр» гэһэн уран найханай фильм буулгажа дүүргэбэ. Энэ фильмыс режиссер В. Басов зохион табья. Баабгайда бажуулгажа наһа баран эсэгэдэ алтан гэр барюулхын зорилгоор бишыхан хүбүүн Арсланай дасанда хубарга болоһон, тэндэнэ зугадажа, Улаан Арминь сэргээдтэ ошонон тухайн энэ хэлэгдэнэ.

Н. Маторин,  
Бурядай АССР-эй габьяата артист.

## Дуунһаа оперодо хүрэтэр

Үншидөө бидэнэр дуу, романс, симфоническэ сюитэ шада-яда бэшэдэг бэлэйбди. «Энхэ Булад баатарыс» жүжжэмпаһан М. П. Фроловый, «Баяр» гэжэ жүжжээй жүжжэм найруулан П. М. Берлинскийн гар үзүүрэй туһамаршад болонхой хүдэлдэг биди.

1940 ондо Бурядай композиторнуудай Союз эмхидхэгдээ хэн. Манай Союз үсөөхэн гэшүүдтэй байшасыс, ухаараа социалистическэ, маяг түхэ-лоорео национальна жүжжэмэй культу-ра хүжжөөхын түлөө хамаг хаба шадалаа, бэлиг шадабаряа элсүүлээ.

Мүнөө арарнай өөрын оперотой, балладэй жүжжэмтэй, мүн томо томо симфоническэ зохёолнуудтай болоо. Дэлхэйн эгээл түрүү жүжжэмэй центр болоһон Москвагай ажалшадый, композиторнуудай, жүжжэмэй мэргэжэлтэйдэй үзэмжэдэ хадан ехэ зохёол табигдахын.

«Урид дуугарһан хүүхын хэлэн хүлдэхэ» гэдэг хадан олонинтын сэгнэлтэ ажаглалта хүндэтэйгөөр хүлээнэбди.

Д. Аюшеев,  
Бурядай АССР-эй композиторнуудай Союзай түрүүлэгшэ.

## Уран үйлэншэ арад

Арадаймнай үйлгэрнүүд соо уран үйлэншэ дагинанар-оёдолшод тушаа хэлэгдэдэг. Бурят эхэнэр малай, ангай арһа элдэжэ, гэр бүл-ынхидтөө гутал, хубсаһа оёдог. Тэдэнэе угалзатуулан шэмэглэдэг байһан юм. Бурят малгай, гутал, дэгэл, мүн ондоошыс хубсаһан бүхын өөрын түхэлтэйгөөр оёдогдог, арадайнгаа ажахы, ажабайдалтай холбоотой байхынгаа хажуугаар искусствын нэгэ зүйлшын болоно бишүү. Ушар нимдэ манай театрын табиха жүжжүүдтэй олонхи геройнуудай хубсаһа хунарай элбэг угалзануудаар шэмэглэгдэнхэй байһанинь гайхалтай бэшэ. Бурят арад уран үйлэншэ, оёдолшо арад юм шуу. Тийхэдэ энэ декада Бурядай үндэһэн хэлбэртэй хубсаһа хунарай, уран оёдолтой декада бололсоно гэжэ ханадагана.

М. Цыдынжапова,  
оперо, балладэй театрын оёдолшон.



## Ехэ хургаал абаха байнабди

Бурядай уран зураашадай, арадай уран бэлигтэ мастернуудай минга хоёр зуу гаран зурагууд болон элдэб зүйлнүүд Москвада мүнөөдөр нээгдэхэ выставкэ табигдаа.

Нэгэдэхи декадаһаа хойшо үнгэрһэн хөрбөд жэл соо бурят арадай искусство хэмгүй ехээр хүгжэжэ, манай ороной арадуудай искусствай



дунда түрүү зэргэдэ гараа.

Мүнөө нээгдэжэ байһан выставкэ, зүбшэн хэлсэлтэ, элитэ ехэ мастернуудтай уузалга, хөөрөлдэлтэ бидэнэртэ тон ехэ, сэгнэшгүйгүй хургуули боложо үгэхэ, манай искусствын саананхи хүгжэлтэдэ һайн нүлөө үзүүлэхэ байна.

Р. Мэрдыев,  
БурАССР-эй арадай уран зурааша.

## Жаргалта байдалаа магтанабди

Манай дуу, хатарай ансамбль оройтоо 17 наһатай. Тийгэбшын арадайнгаа жаргалта байдалыс дуу, хатарай харуулжа шададаг коллектив болонхой.

Хатарха-матархада суутай нүхэди — С. Барцева, Е. Егоров, М. Санжиев гэжээ совет арадуудай, арадай демократин, мүн Азани



оронуудай орёо хатар-

нуудыс шадамараар харуулдаг. «Энэдхэг хатарай» оншын олохын тулада удаан оролдооб. Бидэнэр хатарай искусствын орёо оншо, элдэб нугалбары элбэгээр хэрэглэжэ, өөрынгөө үс сагай жаргалта байдалыс магтадагби.

В. Тумурова,  
Бурядай АССР-эй габьяата артистка.



«Сур харбаан» гэжэ бурят арадай һайндэрыс харуулан сценанэа нэгэ үзэгдэл.



А. И. Тиминай «Хани барисаанай эхин» гэжэ зураг.



Тарбагатайн Ленинай нэрэмжэтэ колхозой хоор.

## Б. ЕГОРОВ, Бурядай филармонийн директор

Бурят арадай искусство хүжжөөхэ хэрэгтэ дуу, хатарай ансамбль ехэһэн үүргэтэй байһанинь элитэ. Ансамблин бэлитгэй коллектив гансашыс республикада бэшэ, бүхы орон дотороо мэдэжэ болонхой.

Декадада бэлдэхэ хүдэлмэри эршэмтэйгээр ябуулагдажа, һонирхолтой программатай ерээбди. Бурят, ород,

монгол, башкир болон бусад арадуудай хатар, дуунууд репертуартай бии. «Сур харбаан» гэжэ бурят арадай һайндэрыс харуулан хатар-дуунай сценэдэ ансамблин артистнар барандаа хабаадалсана. Энэниие республикын габьяата артист М. Арсеньев табиһан, хүжжэмынь БурАССР-эй арадай артист Ж. Батев бэшэһэн байна.

## Г. ПАВЛОВ, Бурядай уран зураашадай союзай правленийн түрүүлэгшэ

1940 ондо болоһон декада оройдоо 16 уран зураашад хабаадаа хэн. Тэдэнэй олонхын залуушуул, уран найханай хургуулинуудай студентнэр байгаа. Декадын үедэ нээгдэһэн выставкэдэ 385 тоһон зурагууд, юрын зурагууд, скульптура, арадай уралан

бүгээшлэдэй хэһэн 195 зүйл, хамта 580 экспонат табигдаһан юм.

Харин мүнөөнэй выставкэдэ 56 уран зураашад болон скульпторнууд хабаадаһан. Выставкэдэ бүхы дээрээ 1200 гаран экспонатууд шэлэгдэжэ табигдаа.

## Ф. РЫЖАКОВ, Тарбагатайн хоорой хүтэлбэрилэгшэ, БурАССР-эй культурын габьяата хүдэлмэрилэгшэ

Дуун арадай дундаһаа далижан, гэрэлтэ һайхан ерээдүйгөө зохёон байһан хүнүүдэй баатарлиг ажалай һудаһан соогур тардаг. Тиймээһэл манай шэмээшгүүдэй хоор жэл эрэхэ бүри сортоотой, баяр жаргалаар билтарһан дуу-

нуудыс дуулана. Ехэ-Куналейн дуушад гүшаад ондо тусхай хоор болоод, мүнөө болотор хоороо бүри үргэдхэжэ байдаг. Мүнөө хоортоннай 300 гаран хүн хабаадана.



Намарай алтан сагай сэлмэг наран оролгынгоо амар мэндийе Улан-Удэ

## Арадай оюун бэлиг

хотодо хүргэж, үйлсэ гудамжаар, үргэн талмайгаар набагшяа татан, Бурядай Ленинэй орденото оперо, баледэй театрын үндэр байшангай орой дээрэ табигдаһан эмээл морито бурят хүбүүн басаган хоёрой нюурые харуул толоор гөрдөн наадаһаар Сэлэнгын баруун бөдө тэрүү саагуур тобойлдоһон хаданууд дээгүүр бүтгэрэн далда ороно. Удшын боро хараанай үлхэржэ үрдэгүй байтар элшэ хүсэтэ электрын гал «би наранһаа дутахагүйб» гэнэндэл, ээлэ татан но-соно.

Харин театрын зал соо харанхы. Хүнүүд абяа шэмээгүй болонхой, нюуруудаа сөб сэхэ сценэ тээшэ хандуулан, хамаг анхаралаа табин нуунад.

Нэгэ үе шанга болон, нэгэ үе нэргэмжэтэй нула болон ханхнажа ээдлэн дуунуудые шагнажа нууһан хүнүүд гэгтэ үй түмэн торхируунуудай дэгдэшэн мэтээр нээрсе алыга ташаба.

Уран шадамар гүйсэдхэлгөөрөө ажалшадый халуун амаршалгада хүртэһэн Хэжэнгын аймагай бэлиг түгэлдэр дуушадые юрын үгөөр бэшэ, харин уран шүлгөөр магтаа-хаар даа.

Аажам Хэжэнгэ нотатһаа Арадайнгаа мэргэн бэлигые Аяар Москва хотобо Абжаа ошоһон нүхэднэ! Эдлин талынгаа энгэртэ Эртэ орой ээдлүүлдэг Эршэ хүсэтэ дуунайтай Эндэ ханхнахые дуулахадаа, Дуулим Бурят оромни Дуулаба гэжэ этигнэб!

Иймэл даа манай социалистиче-скэ байдалай туйлалта. Алдарт Октябрингаа арюун хэшэгтэ хүртэһэн бага ехэ арадууд наһан-даа хүрэдэг, харбайһанаа баридаг болонхой, Манай Коммунистическэ парти үндэһэ яһатанай хүгжэлтын замые зүбөөр хүтэлжэ, эрдэм соёлой алтан үрһе хаа хаанагүй тарижа, гайхамшагтай найн хайхан үрэ хуряагаа. Энээнэй ашаар манай бурят арал хэтэ заяанайнгаа гээгдэлые усадхажа, богонихон болзор соо ухаан бодолой, оюун бэлиг, мэргэжлэй талаар хэмжээлшэ-гүйгөөр урдалжа гараһанайнь үлгэр жшээс үдэр бүхэндэ хаважа байнабди. Бурят арадай дундаһаа хэдэ олон мэргэжэл, бэлиг түгэлдэр хүбүүд, басагал ургажа,

Табяад жэл соо ингэжэ, Танигдашагүй нютаг болобол даа. Ажал, сүлөө гээшэмнай Аймшагтай юмэ бүтээнэл даа. —гэжэ тус поэмэ соохи гол нюур үбгэн аба Саша гэдэг аша хүбүүн-дээ хөөрэнэ. «Ямар дэрэбэн гээшэб?» гэжэ ашань нурана. «Байгалай саана юм даа, айхаар бүтүү бүлүү гартар Тарбагатай гэжэ нэрэтэй дэрэбэн бии юм» гэжэ үбгэн харюусана.

Харин мүнөө ёһотой эрхэ сүлөө-гөө эдлээд, бодото социалистиче-скэ ажал хэжэ байһан манай совет арал үзэгдөө дуудлаагүй ехэ гай-халтай юмэ туйлажа, бүтээжэ байна бшуу. Н. А. Некрасовой бэ-шэһэн Тарбагатай нютаг мүнөө

Хүүзисэдэ хөөргэ үлээжэ, Хүндэ балта наяр-ба.



ЗУРАГ ДЭЭРЭ: Хэжэнгын аймагай дуушад.

үндэһэн искусство, литературынгаа хүгжэлтые үзүүлхээс Москва хото ошоод байнаб. Тинхэдэ арадай гүн соо хэдэ хурса омог ухаатай, хонгёо хайхан хоолойтой залуушуул эрхэ сүлөөгөө суурхаһан, хани нүхэсэлые, эб найрамдалые магтаһан дуунуудые хүдөө нотагайнгаа ха-далан, сабшалан дээрэ, клуб, культ-базануудай сценэ дээрэ ээдэлгэ-нэб!

Хододоо хонгёогоор ханхнаг лэ хөгжөн урдалһан бурят арадай сүлөөтэ дуун, баатар ажалшадый бардаастай омог дуун.

Энэ оной зун бидэнэр ород, бурят арадай хани нүхэсэлэй 300 жэлэй алдарт оёе баяр баясхалантай-гаар тэмдэглэе бэлэбди.

Ородой агуухэ поэт Н. А. Некрасов манай энэ нютаг руу сүлгэ-дэһэн ород шэмээшгүүд тухай, мүн декабристууд тухай поэмэ бэшэ-һэн байгаа.

«Газар дайдаар ябахадаа, Гайхалтай юмэ харааб даа. Шажанай талаар таһарһан Шанга табисууртай ород зон Заха бүлгүү нютаг руу Заруулжа, газар эдлэбэ. Удабашыгуй жэл болоод, Ударидагшад тиншэ ошобо Айл дэрэбэн тогтожо, Амбаар, сарайнууд баригдаа нэн.

танигдахаар бэшэ болотороо ургаа. Хунила, Десятниг, Шаринна, Бар-ринхин, Жэрэм гэхэ мэтэ Тарба-гатайн аймагай нотагуудай шэмээ-шгүүд Совет ороной ажалшадый нэгэ бүлэ соо зол жаргалайнгаа бата жолоое алханхай, ажал хү-дэлмээрээрэ аба ороноо алдар-шуулжа байнхай. Хунилын шэмээ-шгүүдэй хоор гансахан Бурят ню-тагта суурхаагүй, бүхы Союз соом-най алдар нэрээс нэрлүүлэнхэй. Тус хоор эмхидхэгдэһээр хори гар-ран жэл боложо байнхай. Эндэ аба орон соогоо дууша гэнэ алдараа-раа түрэл нотагаа шэмэглэһэн Ф. Ф. Рыжаков, С. М. Иванов, И. С. Рымарев, П. Ф. Васильев бо-лон бусад бии. Хунилын шэмээш-гүүдэй хоор алибаа найндэрлэг-дэ ходоодо хабаадажа, уран най-хан дуугаараа ажалша арал зо-ниче баясуулдаг юм. 1940 ондо Москвада үнгэргэгдэһэн Бурядай искусствын нэгдэһэн декадада ха-бадалсаһан тус хоор мүнөөнэй декадада үшөө ехэ эршэ зоригтой-гоор бэлдээ. Москвагайхид манай алдарт шэмээшгэ дуушадые ха-луунаар угтаха байха.

Арадай дундаршагүй ехэ оюун бэлиг эгүүридэ мандажа, арюун хайхан бүтээлээрэ хэтын хэтэдэ суурхажа байхань лабтай.

Гунгаа ЧИМИТОВ.

Бурядууд аналда ду-ратай байхаһаа гад-на, ниилүүршэ, мүн-гэ-шэ, алташа, шудха-лааша дархашуул гэ-жэ магтуулдаг юм. Үни холоһоо хойшо бурядуудай гар урла-лай искусство холоур суурхууһан байха.

Мүнөө манай хүдэл-мэришэд, колхозни-гууд, алба хаагшад арадайнгаа гар урла-лай искусствые улам улам хүгжөөжэ бай-даг.

ЗУРАГ ДЭЭРЭ: Улан-Удын „Механ-лит“ заводой хэбшэ-дархан Г. Линхобое-вой бүтээһэн бурят-стол, домбо, аяга-нууд.



Макхайн аша Макхай

## Түрэл арадаа алдаршуулжа бусэгты!

инаг түрэл Совет оронойгоо түлөө омгорхолоор сэдхэл зүрхэмни булгилжа, бусалжа ябаба...

Тэрэ ниндэжэ ябахадаа, «һара руушые ниндэжэ ябаха зол хуби намда тохёолдохо аалам!» гээд наһаандамни ороо.

Зай, нотагаархид, хэр байнат? Бултыетнай хамталһан бэээрэ «нотагаархид» гэхэдэмни ехэл зүб гээшэ ха. Тэндээ байгаа наа, хэ-жэнгынхид, тарбагатайнхид, улан-удынхид гэхэ лэн бээбэ. Тээд эндэ ерээд, түрэл арадайнгаа нэрын үмэ-нэһөө уран шадабарья москвгай-хидта харуулаха байхадаа хуу-нэгэ амни, нэгэ айлал үхибүүд шэн-ти, «шэмхэхэ» нэгэ мяхатай, шэ-бэнхэхэ нэгэ үгэтэй» болоод бай-на бшуубди. Тон ехэ харюусалга бидэниэ нэгдүүлнэ.

Бүхы Бурят оромнай, Ленинэй ор-деното республикамнай, бүхы түрэл арадай—эхэ эсэгэнэр, аха дүү-нэрийн саһата үндэр Саяанай дээ-гүүр наашаа, таанар тээшээ хара-тоодо бурят арадые зол жаргалай гэрэлтэ хайхан замда гаргаһан



ЗУРАГ ДЭЭРЭ: Орденото ПВЗ-гай Культурын ордон.

Зай, нүхэд! Жэл жэллэжэ, һара на-ралжа хэһэн хүндэ-тэй худэлмэриннай, ехэ бэлдэхэлэй мүн-өөдэр дүүрэгжэ, һулушын точка та-бигдаба. Эгээ ехэ эк-замен-шалгалтатнай хэдэхэн час болоо, эхилхээс байна Энээхэн үедэ хүн бүхэнтэй бөөе хай-сахана лэ шэмхэжэ-үзэхэ, асари ехэ ха-рюусалгатай дахин

дахин ханаха ёһотойт.

Би бултыетнай таниха—зари-мьетнай найн таниха, нүгөөдүү-лэйтнай нюур таниха болоһонхой. Юуб гэхэдэ, Улан-Удэдээ байха-даа таанарай наадахыетнай, ха-тархыетнай дахин дахин хараһан. дуулахыетнай хайсаһан лэ шагна-һан, уран зураашадай зурагуудые хараһан, уран зохиолшодой ному-удые уншаһан байхаб. Эндээ гэжэ хэлэхэдэ, эрхы хуряага ёдойлгон магтаамарта. «Игорь тайжы» гэжэ оперодо Лхасаран Линховонной дуулажа, «Будамшуу» гэжэ жүжэгтэ Чойжинима Гениновэй наадажа, Василса Тумуровагай энэдхэг тап-ца хатаржа, Яруунын басаган Цы-рендулма Ламхановагай хэдэн хүг-жэмшэдтэ үдэшгдэн, өөрөө хүг-жэмдэн, түрэл партияа магтан дуу-лажа байхада хэдэ шэнээн хайхан бэ!

Тээд таанар декадын үедэ «үнэн бөө бээлээд, үнэгэн малгайгаа үмдөөд» байхадаа бүри ехэ шала-барн харуулаха байхат гэжэ этиг-нэб. Гэхын хажуугаар, бэһа нэгэ захиха юумэн байна: торхо медье халбага дабирхай гутаадаг бшуу. Тинмэнэе дуһалшы «дабирхай» үзэгдэхэ ёһогүй! Энээнине тайлба-рилаад ялалыб. Удахань тон ойлго-сотой бээ.

Нүхэд, таанар Москвагай ажал-шадһаа гадна, бүхы дэлхэйн ара-дуудай түлөөлгшэдтэ уран шала-барья «харуулхатни бшуу. Тин-мэнэе энэ творческо шалгалтатнай ямар ехэ харюусалгатай, хүндэтэй гээшэб!

Нүхэд, нотагаархид! Арюун хэ-рэгтээ ехэ амжалта туйлажа, дека-даа удхыншые, уран найханайн-шые талаар эрхим хайнаар үнгэргэ-жэ, түрэл арадаа, түрэл республи-каа улам суурхуулжа бусэгты!

М. Тархай.

## Тоо, баримтанууд

★ Манай республика дотор 610 клуб, Культурын ордонууд, 400 шахуу библиотеки, 500 гараи киностанков, 132 радиоузел хү-дэнэ.

★ КПСС-эй XXI съездэ зорюу-лагдаһан ураннайханай харалгада 35 мянган колхознигууд, хүдэлмэ-риншэд болон алба хаагшад хаба-далсаһан байна.

★ Бурят, ород хэлэн дээрэ рес-публиканска 3, аймагай 23 газетэ, мүн олон тиражтай газетэнүүд хамтадаа 104 мянган хэнхээр үдэр бүри гаргагдана.

★ 1958 ондо Бурядай номой хэблэл 348 мянган хэнхэгтэй 137 ондо ондоо ном гаргаа.

★ Улан-Удэдэ багшанарай, зоо-

ветеринарна, научно-шэнжэлэлгын комплексно институтууд бии. Со-вет засагай жэлүүдтэ бурят ара-дай дундаһаа 200 шахуу эрдэмэй кандидадууд, докторнууд урган гарва. Мүн республика дотор юрэхы эрдэмэй 650 хургуули, тухайн мэргэжэлтэдые бэлдэхэдэ 15 дунда хургуули бии. Хургуули-да һурадаг үхибүүдэй, залуушуу-лай тоо революцион урда тээхнээ арба гаран дахинаар олошороо.

★ 1923 ондо манай республика дотор 23 врач, 77 фельдшер хү-дэлдэг байһан наа, мүнөө 900 ша-хуу врач, 4000 гаран медицинскэ дунда мэргэжэлтэд хүдэлдэг бо-лоо.



Улан-Удын 1-дэхи интернат-хургуулиин һурагшад хатаржа байна.

Оюун бэлигтэ немец уран зохиолшо Стефан Цвейг түүхэдэ мартагдашагүй, ай-хабтар ехэ шэнэ нээлтын болоһон ушарые «хүн тү-рэлтэнэй мүшэтэ хайхан саг үе» гэжэ нэрлэһэн юм. Үшөө мунхаг харанхы ябаһан саһаа эхилжэ хүн түрэлтэн «мүшэтэ хайхан саг үетээс» нүхэсэн ерэхэн юм.

Хүнэй анха түрүүшынгээ түмэр үзүүртэ зэр зэбсэг хэһэн сагые, хүнэй түрүү-шынгээ түмэр үзүүртэ ан-заһаар газар шулгалжа ороһон тэрэ үеые «хүн тү-рэлтэнэй мүшэтэ хайхан саг үе» гэжэ нэрлэжэ боло-хогүй гээшэ аал?

Уралай ууртай хүсые хэрэглэһэн тэрэ саг баһал «мүшэтэ хайхан» нэгэ таб-сан гэшүүр боложо, хүн түрэлтэнэй түүхэдэ ороһон байха юм.

Электричество эрдэмтэ-дэй нээһэн, электрын орёо хүсые хазаарлаһан тэрэ үе саг хүн түрэлтэнэй түүхэдэ балархагүй нэгэ хайхан хууданайнхы ха юм.

Марксизмын мүнделэн түрэн тэрэ саг, марксиз-мын үндэр арюун сурталые хүдэлмэришэн ангиин

## ОМОГ БАЯРАЙ ҮГЭ

Ч. ЦЫДЕНДАМБАЕВ

дэниче баясуулан үнгэржэ байна.

Манай Совет гүрэнэй түүхэдэ одо мүшэтэ тинмэ үе сагууд бүришые олон. Арюун замайнгаа түүхын хуудалһанда манай арал «одо мүшэтэ илалтын» ал-ган үгүнүүдые баатар хүсэ-тэ гараараа балархагүй-гөөр бэшэһээр лэ байна.

Хойто полюс эзэлэн шэн-жэлэлгэ... Валерий Ча-лолай полюс дээгүүр буунгүй ниндэжэ, Аме-рика хүрэн түүхэтэ аян. Челюскитанай баатар-лиг эпопей, хүнэй га-рар тогтоогдоһон Цимлян-ска далай, индустриин агуухэ гигантнууд, дэлхэй дээрэхэ эгээл томо Братск болон бусад ГЭС-үүд... Хүн түрэлтэнэй түүхэдэ түрүү-шинхэ хүсэ сэнхир огтор-гойе «ТУ-104» самолёдой харбан ниндэлгэ... Атомай хүсые нээжэ шадаһан, тэрэ хүсые амгалан ажалда хэ-лэлэһэн саг... Советскэ тү-

рүүшын хэмэл одоной газар дэлхэи түрүүнээ гортингод-горуолһон минутанууд... Замбуулин соогуур дабша-даг манай ракетын һаруул сагаан нарада Советскэ Союзай булад хатуу тугха-ниие абаашажа ошоһон үе... Замбуулин соогуур дабша-даг станцийн һарын нүгөө талын дурые буулгажа наа-шань эльгэһэн илалта... Баяр гайхалта габьяата хэ-рэгүүднай али зэргэ олон гээшэб?

Советскэ правительстве толгойлогшо Никита Сер-геевич Хрущевой Америка ошожо, арбаад гаран үдэр соо хэһэн эб найрамда-лайн элитэ ехэ хэрэгые, дэлхэйн эгээн хүсэтэй гүрэ-нүүд болохо Советскэ Союз Америкийн Холбоото Шта-дууд хоёрой харилсаанай дулаахан нэбшээгээр нэб-шээһэн, «хүйтэн дайнай» хүнхи мүльһэнэй хэмхэрэн хүдэлһэн эдэ үдэрнүүдые «хүн түрэлтэнэй одо мүшэ-тэ үдэрнүүд», баглашагүй бата хайхан илалтамнай гэжэ нэрлэхэдэ манай һа-лалы хэн лэмжэхгүйб?!

«1492 ондо европыхид Америкые оложо нээһэн юм, харин 1959 ондо аме-рикийнхид Россине оложо нээбэ гээшэ»—гэжэ намда Швецини нэгэ мэргэжэлтэ наяхан хэлээ юм гэжэ Илья Эренбург бэшэнэ.

«Лайка» гэжэ нохойдо алтан хүшөө табихын түлөө бүхы дэлхэйһээ мүн-гэ суглуулжа тинмэ бэшл-гэндэ би өөрынгоо нэрые хамаһаа түрүүн бэшүүлхэб гэжэ Америкын эрдэмтэ мэ-дүүлнэ.

Айхабтар хайхан үедэ, хүн түрэлтэнэй найн сэд-хэлэй, гэрэлтэ ухаан бодо-лой илажа байһан нимэ сагта ажаһуужа байнабди.

Хүн түрэлтэнэй түүхэ ха-даа үшөөл олон, үзэгдөөгүй хайханууд «одо мүшэтэ саг минутануудаар» улам улам баяжаг лэ!

С. Доржиев, А. Бадаев, Л. Хайдунов, И. Денисов, Л. Стефанеску, А. Мангаев, Ф. Соркин гэгшэдэй фото зурагууд энэ номерто то-лигдобо.

Редактор Ц. Ц. ЦИБУДЕЕВ.